



Posbus 7113, Newtonpark, 6055
Telefoon (041) 3651233
Faks (041) 3652586
h/v Willetstraat en 4de Laan, Newtonpark, 6045

'n Blink toekoms begin hier!

NUUSBRIEF 28

27 AUGUSTUS 2021

UIT DIE KANTOOR

Goeie dag Ouers

MEDELYE

Ons opregte meegevoel word betuig teenoor Marlé Noortman in graad 6S en haar familie met die heengaan van hul oupa verlede week. Mag hul familie die nabyheid van ons Hemelse Vader in hierdie tyd beleef.

GESINSKAMP

Ons wil al die ouers wat die gesinskamp bygewoon het bedank vir jul teenwoordigheid. Dit was 'n baie lekker kamp met die kinders wat die vlakte vol gespeel het. Indien u foto's geneem het, sal ons bly wees as u dit aan ons stuur, want ons wil dit graag op die D6-Skoolkommunikeerder plaas.

Ons beplan weer 'n kamp vir volgende jaar en gaan hard probeer om weer by Willows te bespreek.

GEBRUIK VAN SOSIALE MEDIA

In die tyd wat ons leef het die gebruik van sosiale media 'n "inding" geword. Ons wil tog ons ouers waarsku teen die gevare daarvan veral vir ons kinders. Eerstens mag kinders onder die ouderdom van dertien nie registreer op facebook nie en nog minder op whatsapp. As enige onaanvaarbare materiaal dus op leerders se selfone gekry word gaan ouers aanspreeklik gehou word.

Kontroleer tog gereeld u kinders se selfone om seker te maak dat daar nie materiaal op is, wat hulle en u aan vervolging kan blootstel nie.

RAISIN LEGENDS FONDSINSAMELING

Onthou dat Raisin Legends regdeur die jaar hardloop dus kan u enige tyd by hierdie inisiatief betrokke raak.

Ons bevestig die **nuwe** bestel- en betaaldatums hieronder:

- Raisin Legends bestel- en betaaldatum : **Donderdag, 2 September om 12:00.** Bestelling word dan **Dinsdag, 10 September** afgehaal.



LEERLINGE WAT GEREELD LAAT KOM BY DIE SKOOL

Ons is baie dankbaar dat al ons ouers so positief gereageer het rakende die probleem. Die hele week het dit baie goed gegaan, met net een of twee laatkommers wat voertuigprobleme ervaar het. Om altyd voor die gegewe tyd vir 'n afspraak op te daag, is een van die beste lewenslesse wat mens 'n kind kan leer.

COVID-19 SKOOL PROTOKOL

Direkte kontak is as u nader as 1,5m van 'n Covid-positiewe persoon is, met 'n masker en langer as 10 minute.

Indirekte kontak is as u verder as 1,5m van 'n Covid-positiewe persoon is, met 'n masker en vir minder as 15 minute.

- As 'n leerling enige griepsimptome toon (hoofpyn, lyfseer, koors) moet u hom/haar asseblief nie skool toe stuur nie. Hou die leerling vir 24 uur dop om te kyk of die simptome verbeter of raadpleeg u dokter.
- As iemand van die huishouding siek is, en daar vermoed word dat hy/sy in direkte kontak met iemand wat Covid het was, hou asseblief die hele huishouding by die huis tot julle sekerheid gekry het dat almal gesond is.
- **As iemand in die huishouding wel vir 'n toets gaan, mag geen lid van die huishouding skool toe kom voor die uitslae beskikbaar is nie.**
- As iemand in bevestigde, direkte kontak was met iemand wat Covid het, moet die persoon in kwarantyn vir 10 dae vanaf die laaste direkte kontak gaan. Hulle kan op dag 5 vir 'n "Rapid" toets gaan, op dag 7 vir PCR toets, of hulle kan vir 10 dae net isoleer.
- Leerlinge wat in indirekte kontak met 'n Covid-positiewe persoon gekom het, kan skool toe kom. Daar moet duidelik onder die leerders se aandag gebring word dat hulle maskers MOET dra en baie deeglik afstand moet handhaaf vir die volgende 10 dae.
- U moet die skool by admin@lnpark.co.za laat weet wat die rede is vir enige afwesighede.

SKOOLKOMMUNIKEERDER

Ons herinner u dat hierdie elektroniese program **ons hoofmedium van kommunikasie met u is.**

Om die program gratis op u rekenaar af te laai, moet u net D6 by die Google soekfunksie intik, en die "D6 School Communicator" kan dan afgelaai word. Hierdie program verskyn elke oggend op u rekenaar se skerm en u kan dan sien watter boodskappe uitgestuur is en ook wat op die kalender gaan plaasvind.

Die program sal ook gebruik word om dringende boodskappe aan u te stuur. In so 'n geval verskyn daar onmiddellik 'n kennisgewing op u skerm. Die program kan bestuur word sodat u slegs inligting ontvang wat op u van toepassing is.

Die kommunikeerder kan as 'n toepassing op u androidfoon afgelaai word. Dit werk baie goed en boodskappe en inligting van die skool is dan altyd byderhand.

SKOOLGELDE 2021

Baie dankie aan al die ouers wat so gereeld hul skoolgelde betaal. Ek wil tog 'n vriendelike beroep doen op diegene wat agterstallig is, om die verpligting wat u kind se skoolgelde betref na te kom. Die skool is verantwoordelik vir sy eie rekeninge, want ons kry **minimale** hulp van die staat. Indien daar nie deur ouers gereageer word deur hul skoolgelde te betaal nie, sal die beheerliggaam genoodsaak wees om verdere stappe te neem. Die betaling van skoolgelde is 'n wetlike verpligting (Staatskoerant no. 29311). Indien u in gebreke bly om u skoolgelde te betaal, sal dit wetlik afgedwing word.

Die volgende wyses van betaling is beskikbaar: maandelikse debietorder oor 10 of 11 maande. (Januarie/Februarie – November en is opbetaalbaar voor/op 30 November 2021. 'n Debietorder kan slegs op 'n tjek-/spaar-/transmissierekening ingestel word.) U mag ook die skoolgelde EFT. Indien u kontant wil betaal kan u by Mev. Laas of verkieslik direk in ons bankrekening betaal. Op die verwysing van die inbetaling moet u asseblief die rekeningnommer en u kind se van en naam verskaf, en u bewys van betaling aan fin@lnpark.co.za e-pos.

Alle graad R-gelde is maandeliks vooruitbetaalbaar en nasorggelde is kwartaalliks streng vooruitbetaalbaar. Geen verligting word ten opsigte van hierdie dienste toegestaan nie, aangesien hierdie aktiwiteite deel van die skool se vrywillige program is.

ELEKTRONIESE BETALINGS

REKENINGNAAM	LAERSKOOL NEWTONPARK
BANK	ABSA
REKENINGNOMMER	1400490089
TAKKODE	632005

GEDAGTE VIR DIE WEEK



Geniet die naweek saam met jul gesinne.

SKOOLHOOF

E-pos: skoolhoof@lnpark.co.za

Tel : 0846935318

ALGEMEEN

BELANGRIKE DATUMS VIR VOLGENDE WEEK:

Die volgende datums moet u asseblief op u kalender aanteken:

- Ma – 30 Augustus : Klerewinkel **07:30-12:00**
- Di – 31 Augustus : **TOETS: Tegnologie Gr. 7**
- Wo – 1 September : **LENTEDAG**
Mnr. Edwin Dumke verjaar
Klerewinkel **12:00-14:30**
- Do – 2 September : **NETHEIDSINSPEKSIE**
TOETS: Aardrykskunde Gr. 4 – 7
Finansiële komitee begrotingsvergadering **17:00**
- Vr – 3 September : **Me. Sis-Marie Engelbrecht verjaar**
Mnr. Henricus van der Westhuizen verjaar
Klerewinkel **07:30-12:00**

SPORT & KULTUUR

AQUA INTER-CLUB RITMIESE GIMNASTIEKKOMPETISIE : 14 AUGUSTUS 2021

Scarlett Engelbrecht (gr. R1), Emma Scheepers (gr. R1) en Lisa Scheepers (gr. 3BL) het verlede Saterdag, 14 Augustus 2021, in Patensie aan die Aqua Inter-Klub Ritmiese Gimnastiekkompetisie deelgeneem en soos volg presteer:

Scarlett Engelbrecht – Gr. R1

Kategorie: Fun Gym (0/6)

- **3de plek algeheel**

Emma Scheepers – Gr. R1

Kategorie: Fun Gym (0/6)

- **4de plek algeheel**

Lisa Scheepers – Gr. 3BL

Kategorie: Vlak 1 (0/9)

- 1ste plek – “Free Dance”
- 4de plek – “Rope”
- **1ste plek algeheel**



Baie geluk met hierdie pragtige prestasies!

PE DANCE FESTIVAL : GROEPDANS

Miané Barkhuizen (gr. 4D), Emma Gough (gr. 4D) en Mieke Loots (gr. 4S) het op Dinsdag, 24 Augustus aan die “Hip-Hop” groepdans by die PE Dance Festival deelgeneem. Hulle is deel van Defying Gravity Dance School en het as Hip-Hop Level 3 deelgeneem. Hulle dansgroep het ‘n brons medalje ingepalm. Baie geluk!



Mieke Loots (gr. 4S) het in die “Amateur group” 12 jaar en onder ‘n silwer medalje ontvang en Nina Loots (gr. 2S) het in die “Hip Hop group” 10 jaar en onder ook ‘n silwer medalje ontvang. Baie geluk, julle!

